

OORDENKING: STEL 'N HEMELSE WAG AAN VOOR JOU MOND

deur Stephan Joubert (E-Kerk)

Navorsers het bevind dat wanneer mense baie negatief oor iets of iemand anders voel, dan vertel hulle dit vir 17 ander mense. Maar wanneer hulle baie positief voel, dan vertel hulle dit slegs vir 11 mense. Nou ja, daar het jy dit! Nou weet jy hoekom 'n handjievol negatiewe mense dit regkry om 'n ganse gemeenskap lam te lê met hulle negatiewe praatjies oor 'n leier, of oor een of ander nuwe inisiatief, ook al voel die meeste mense positief. **Slegte nuus trek gewoonlik strate verder as goeie nuus.**

Negatiewe praatjies en halwe waarhede word veels te maklik vir goedkoop soetkoek opgeëet. **Dis verstommend hoe baie kerkmense eerder 'n koerant of 'n plaaslike skindermond sal glo as om hulle tonge onder beheer van die Here te stel.** 'n Leraar, wat die slagoffer van 'n venynige skinderveldtog was, het my op 'n keer vertel hoedat een van die skindertonge later vir hom gesê het sy het ook maar die stories oor hom oortel omdat dit so eg geklink het. Niemand het egter vir die leraar kom vra wat ware feite is, of vir hom gebid nie.

Die beste geneesmiddel vir 'n gevaarlike tong is om 'n hemelse Wag voor jou mond aan te stel (Psalm 141:3). Vra die Here om jou tong elke dag op te pas. Vra Hom om elke verkeerde en onsensitiewe woord te arresteer voordat dit jou lippe vir altyd verlaat. Smee Hom om jou eerder te laat stilbly as jy nie iets mooi oor ander kan sê nie. Bid dat God jou ook sal help om ander se goeie naam in hulle afwesigheid te beskerm.

Gebed

Here, leer my om reg te praat
Stel 'n wag voor my mond aan
Bring my los en onnadenkte woorde onder U beheer
Leer my om U Naam met my woorde te vereer
Wys my hoe om ander mense deur my woorde op te bou
In Jesus se Naam
Amen

Kom ons vra die Here om ons tonge elke dag op te pas, sodat ons niks slegs van ander praat nie en selfs hul naam in hul afwesigheid sal beskerm
– Ds Leon Tait



Watter verskil maak dit om te weet: Christus is aan die stuur van sake?

Die Lam het toe die boek ontvang uit die regterhand van Hom wat op die troon sit (Op 5:7)

Toe Christus gesterf, opgestaan en opgevaar het, het Hy die alle mag in die hemel en op aarde ontvang. **Hy regeer! Wat is die betekenis daarvan vir ons lewe van elke dag?**

1 Dit bring ons tot ware aanbidding en lofprysing

Drie liedere volg op Christus se troonbestyging. Selfs die hemel het begin sing! (vs 8-14). Hierdie was heelhartige lofprysing met siter (kitaar) in die hand! Wie regtig glo dat Christus regeer sal en mag singend en lofprysend leef ten spyte van al die hartseer en probleme van hierdie lewe.

Vreugdevolle lofprysing is een van die belangrikste aktiwiteite wat ons in die hemel gaan voort sit (C.S. Lewis). Ons het alle rede om die Lam wat geslag is te besing, want Hy lewe en regeer!

2 Dit help ons om met vertroue te leef

Die uitvoering van God se wil met hierdie wêreld is in ons Verlosser se hande. Dank God dit is nie in een of ander noodlot of onbekende mag of politikus of ekonoom of mens of in ons eie hande nie. Hy wat ons liever het as enigiemand anders en Hy wat selfs Sy eie lewe vir ons gegee het, is in beheer en sal Sy doel met ons en die wêreld bereik. Ons hoef nie bang te wees nie of angstig te raak oor die toekoms nie. Hom kan ons vertrou!

3 Dit maak gebed sinvol

Volgens vers 8 het die ouderlinge en wesens wat aanbid in die een hand 'n siter en in die ander hand 'n wierookbak vol wierook. Dan word gesê dat hierdie wierook ons gebede is! Ons gebede speel dus 'n belangrike rol in die hemel. Ons gebede het 'n invloed hoe Christus Sy doel met en deur ons in hierdie wêreld bereik. Wesley was reg toe hy gesê het: *die Here doen graag wat Hy doen deur ons gebede.* Gebed is dus baie belangrik en sinvol!

4 Dit laat ons anders leef

Christus wat regeer is die Een wat ons deur Sy dood en opstanding Koningskinders kom maak het (vers 10). Ons is prinse en prinsesse van Hom. As sodanig oorwin en heers ook saam met Hom deur ons oorwinning elke dag oor sonde, die Bose, die wêreld se aanloklikhede asook oor die vrees vir die dood. Ons heers oor die skepping. Ons oorwin ook in ons omstandighede m.a.w. dit kry ons nie onder nie. Eendag sal ons by Hom en saam met Hom regeer op die nuwe aarde.

Ons is ook *priesters* deur Hom gemaak. Soos ons Verlosser lewe ons 'n lewe van toewyding en diens aan ons Hemelse Vader en ander mense. Ons lewe is dus totaal anders! Ons lewe wys wie is Koning!

5 Dit laat ons leef met geduld

Die hele bedoeling agter die Openbaringsboek is om christene te bemoedig wat swaarkry en hul geduldig te laat wees in hul omstandighede. Christus aan die stuur maak ons geduldig want ons weet dat Hy wat ons liefhet die beste weet en alles ten goede laat meewerk.

6 Dit laat ons getuig

Wie Christus ken as Koning en Heer wil met hul hele lewe Hom sigbaar en hoorbaar maak, sodat ander Hom ook kan leer ken as Here van hul lewe. So kom God se koninkryk deur ons en so bereik die Here Sy doel deur ons.

Hy regeer! Watter verskil maak dit in ons lewe?

Ds Leon van Heerden

!! ONTHOU DATUMS !!

- ♦ **2 Mei:** Vakansiedag
- ♦ **15 Mei:** Gemeente-tee
- ♦ **15 Mei:** Hart vir die Moot afsluiting
- ♦ **22 Mei:** Gesamentlike Kinderdiens @ 9:00
- ♦ **29 Mei:** Doop

Sien jou daar!



BOOMSLOPING en snoei van bome & struik.

Kontak Ernst by 083 656 4992

RUIM KAMERS met ingeboude kaste te huur - Rietfontein - met/sonder etes. Kontak Theuns 083 598 5269

Indien u enige items of dienste het om gratis aan te bied, kan u dit **GRATIS** in hierdie blaadjie adverteer! Kontak Ilze 072 111 3100

c'n anru eiendomme

ons bied 'n verskeidenheid van dienste:

- Gratis waardasies
- Bemerk om te verkoop
- Kwalifisering van nuwe kopers
- Lening aansoeke
- Advies om eiendom se waarde te verhoog
- Boedelwaardasies



Naómi

082-804-1200 012-331-0015

IN GESPREK MET DJ & NADIA

2 Jongmense wat passievol en opgewonde is oor hulle aanstelling as pastorale hulp – jeug. Ek ontmoet hulle by hulle pop mooi huisie, kaalvoet en ontspanne, met Nina die hondekind wat my ook verwelkom.

DJ en Nadia sal op DV 10 April 2011 hulle 1 ste huweliks herdenking vier. Hulle is altwee tans in hulle 4^{de} studiejaar by Tukkies. DJ het eers musiek studeer na skool en uitreike gedoen na Mosambiek. In sy 2 de studiejaar het hy een middag in die DROS gesit en terwyl hy na die spyskaart kyk het hy besef hy wil 'n predikant word.

Nadia wou eers grafiese ontwerp studeer en na 'n diep gesprek met haar moeder, terwyl hulle in Gateway in die verkeer was, het sy geweet sy wil graag teologie studeer. Hulle het mekaar ontmoet in hulle 1 ste jaar op Tukkies. DJ het by die Geestes Wetenskappe gebou geloop en pyp rook en Nadia het nogal van die geur van die tabak gehou. Hulle het langs mekaar in die klas gaan sit en 2 weke later was hulle hegte vriende. DJ het Nadia na ons gemeente oorgenooi.

DJ se liefde is ook musiek en fotografie – hy sal bekend staan as die singende predikant wat ook fotos neem. Van hierdie gawe van DJ kan ons gemeente getuig. Hy gee ook klavier en sanglesse en bekom sy radio amateur lisensie in Mei maand. Nadia se liefde is kosmaak, en manlief help fluks in die kombuis. Terwyl ons rustig kuier, elk met heerlike koppie koffie en koek, sit en slaap Nina soos 'n baba op Nadia se skoot!

In hulle vrye tyd geniet die 2 'n goeie DVD, hou daarvan om saam in die tuin te woeker en besoek alte graag nuwe restuarantjies en winkeltjies.

Die 2 jongmense is ernstig oor hulle geloof en 80% van hulle gesprekke gaan oor geloof en predikant wees. Hulle vul mekaar aan en die liefde vir Jesus straal uit hulle altwee.



Kort boodskap vir al ons Mamma's

Hy sal sy engele opdrag gee om jou te beskerm waar jy ook al gaan. Op hulle hande sal hulle jou dra, sodat jy nie jou voet teen 'n klip sal stamp nie. - Psalm 91:11-12


Gelukkige Moedersdag

KITAAR, DWARSFLUIT EN SAKSEFOON KLASSE



KITAAR: leer speel en sing heerlik saam,
Kinders (vanaf ± 7jr, moet kan lees) en Volwassenes.
Klasse in die Moot. BILLIKE tariewe.
Kom maak jou droom waar!

Kontak Kobus Nel 082 961 9425



To God the Glory



MOOT CHRISTIAN ACADEMY

- Are you serious about your child's education?
- Do you want to give your child the best education possible?
- Did you know that in the early days children read the Bible to learn?

At MOOT CHRISTIAN ACADEMY:

- We are putting the joy of God back into education
- We are an affordable Private School for Gr 0 to Gr 12
- We are passionate about our students.
- 90% of our staff and students are Afrikaans speaking.



We serve the Community of God
Contact us for an interview

012-331-8274

admin@mootchristianacademy.co.za

On the premises of NG Rietfontein Suid, C/o Ben Swart str. and 16th Avenue



Taakspan vir Jeug

Francis Bacon het in die sestiende eeu geskryf: "Die jeug mag wonderlik wees, maar waarom het ou dinge soveel waarde? Die reuk van ou hout, die smaak van ou wyn, die trou van ou vriende en die genot van ou boeke".

Dit mag waar wees, maar het jy al ooit 'n jong bloeisel aan 'n appelkoosboom gesien? Of die vreugde beleef van 'n kind wat moeiteloos lag? Jongmense is kosbaar. Jongmense of kinders is dié wat Jesus nader roep as hy moeg is; "laat die kindertjies na my toe kom!"

In hierdie gemeente is die jeug baie spesiaal. Hierdie jongklomp het 'n passie vir die evangelie en ook die wêreld waarin hulle moet oorleef. Hulle het 'n brandende behoefte om by die nood van hierdie wêreld betrokke te raak. In die verlede was die jeug se dienste saans en het ook bekend gestaan as jeug-dienste. Die jeug het egter begin voel dat hul behoefte daaraan het om meer deel te voel van ook die ouergarde in die gemeente. Daarom het hulle die aanddienste se aard effens aangepas, sodat dit vir ouermense meer gemaklik sal wees om ook te kom deelhê aan die, nou genoem, *informele aanddiens*.

Op hierdie stadium woon daar gemiddeld 120 mense die aanddienste by. Die jeug nooi elkeen uit om te kom *deelneem* aan dié informele dienste. Gedurende die week, word daar talle geleenthede vir die jeug geskep om in te skakel by 'n omgegroepe/selgroep. In 2011 word die boek "12 Sleutels tot Geestelike Groei" hier behandel. Die jeug is ook aktief in die omgewing aan die werk met uitreikaksies na, onder andere Huis Yana en projekte soos "Baadjie en Bersie". Met die laasgenoemde projek, samel die jeug komberse en baadjies in wat hul tydens *Hart vir die Moot* in die strate van die Moot gaan uithandig.

In beskeie woorde kan ons maar net vir mekaar sê: die jeug neem ons gemeente se leuse ernstig op en gee waarlik om. Mag die Here sy familie (oud en jonk) saám gebruik om 'n reuse verskil te maak in hierdie wêreld en terselfdertyd al hoe nader aan mekaar en Hom te groei.

DJ Muller



Johan **S**choltz **M**oot **Optometrist**



Tel: (012) 751 6357
 Fax: 086 671 6505
 johanscholtzmoot@gmail.com

Welkom by Johan Scholtz Moot Oogkundiges, u vriendelike, bekostigbare oogkundige in die Moot.

Spesiale aanbiedinge vir ons openings maand is as volg:



- | | |
|----------------------------------|------------------|
| Enkelvisie lense en raam | R 590.00 |
| Bifokale lense en raam | R 850.00 |
| Multifokale lense en raam | R 1100.00 |



Hierdie promosie sluit u oogtoets in. (Slegs kontant)
 Skakel of kom besoek ons gerus te Naude st 510

Groete

JSM



TAAKSPAN VIR OMGEEGROEPE

Die belangrikheid van Omgeegroepes in ons gemeente word beklemtoon deur onder andere die volgende "grondpilare" wat nagestreef word in die onderskeie groepe:

Geloofsekerheid

Elke lidmaat is 100% seker dat hy uit genade gered, vergewe en oppad hemel toe is.

Getuig

Elke lidmaat getuig onbeskaamd en openlik in die krag van die Heilige Gees.

Groei

Lidmate staan nie geestelik stil nie en bly nie geestelike babas nie, maar groei met ywer tot volwassenheid deur hul stiltetyd en betrokkenheid by die kerk.

Groepes

Lidmate kan nie los van die liggaam van Christus funksioneer nie en skakel daarom in by 'n Omgeegroep waar hulle vir mekaar omgee.

Gawes

Lidmate dien mekaar met hulle gawes.

Gebed

Lidmate is getroue interessors en bid volhardend vir die uitbou van God se Koninkryk.

Gehoorsaam

Lidmate is bereid om hulle kruis op te neem, God bo alles te gehoorsaam en Hom te volg sodat hulle heilig en vrugbaar sal lewe.

Genade

Lidmate betoon deur barmhartigheid genade aan mekaar sowel as minderbevoorregtes en ook deur die sosiale opheffing van mense in nood deur middel van projekte.

Gaan

Lidmate reik buite hul gemaksgroef uit na ander deur die Evangelie na hulle toe uit te dra.

Gee

Lidmate gee geld vir die bou van God se Koninkryk, deur oorvloedig en volgens die riglyn van die Woord te gee.

'N PERSOON WAT NIE AAN 'N OMGEEGROEP BEHOORT NIE, VERSTAAN DIT NIE, WANT HY/SY BELEEF DIT NOG NIE! – Ds Gerrie Doyer

VISIE VAN DIE OMGEEGROEPE-TAAKSPAN:

Om deur omgee-verhoudinge in omgeegroepes mekaar te help om te groei tot praktiese en gehoorsame navolgers van Christus.

